

【國家社會科學基金重大項目】

何建明 主編

中國地方志
佛道教文獻匯纂

人物卷

(67)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（67）



國家圖書館出版社

中國地方志佛道教文獻匯纂·人物卷

江西省 南昌市

南昌郡乘

清·葉舟修 陳弘緒纂

清康熙二年（一六六三）刻本

南昌郡乘卷之四十一

人物志十

仙釋 方技

仙釋

洪崖先生得道居西山洪崖有煉丹井或曰卽黃帝之臣伶倫或曰帝堯時已三千歲矣有衛度世者當漢武帝時入華山尋其父叔卿叔卿在絕壑中與數人博度世問爲誰曰洪崖先生與許由巢父也竟莫詳其本末云隋開皇中以洪崖所在改郡名爲洪州

葛生漢末隱新吳山草衣木食逍遙物外時孫策據江東太史慈爲建昌都尉異其人飲食之間以休咎生握拳不語而去後人迹其處虎豹環側不可近及大帝權建吳國方知握拳之兆云

許真君遜字敬之汝南人父肅避地南昌因家焉少好道從大洞君吳猛傳三清法要晉太康初爲旌陽令施濟利物尋棄官謁女真謁母於丹陽黃堂授以仙訣遂歷廬山抵豫章煉丹於艾之黃龍山丹成得寶劍梅山之下登水東小峰築壇醮星

焉永嘉末海昏有巨蛇噬氣噏人吞壑甚衆乃仗劍行斬之後於豫章遇一美少年與語遽告去真君謂弟子曰此江湖老蛟之精故來見試跡其所之化黃牛卧沙磧命弟子施岑往岑揮劍中其左股奔入城西井中從長沙井出尋跡戮之并其餘醜念豫章爲蛟螭所穴因於牙城南井鑄爲鐵柱下施八索鉤鎖地脉自是水妖屏迹城邑無虞又周行江湖諸郡殄滅毒害卒歸舊隱以寧康二年八月一日拔宅上昇宅爲遊帷觀今玉隆宮相傳有千

二百四十年間當出地仙八百之識云宋封神功
妙濟真君

吳猛字世雲新吳人

一云漢陽人

幼以孝聞夏月卧不

驅蚊恐去已而噬其親也仕吳爲豫章西安令因
家焉遇至人丁義復師南海太守鮑靚得秘法雲
符遂以道術大行於世晉武帝時授衡於許旌陽
因同詣舟陽謁謚母受孝道明王之法謚母告猛
吾見玉皇玄譜許爲高明大使領仙籍君玄都御
史也旌偕旌陽斬大蛇於海昏永和間卽新吳浮

雲山修煉嘗至豫章江波甚急不假舟楫以白羽
扇畫水而渡觀者異之忽一日暴風起乃書符擲
於屋上有青鳥銜符而去須臾風止人問之荅曰
南湖有舟遇風中二道士呼天求救故以此符拯
之耳後人尋訪果如所言西安令于慶死已三日
猛往哭之曰令君固未合死今當爲上天訟之遂
卧慶尸傍數日與慶俱起慶弟竇感其事因撰搜
神記旌陽上昇之歲猛亦於西平乘白鹿車與弟
子四人冲虛而去所居有仙壇今號吳仙觀宋封

神烈真人

彭伉字武陽蘭陵人仕晉爲尚書左丞密修仙術
師事許真君納女爲其子婦後辭官移居豫章再
詣真君門下盡傳其道宋永初中闔門二十六口
白日飛昇宅在郡城爲彭真觀

施岑字大玉沛郡人徙居九江雄偉多力弓劍絕
倫許真君初領徒誅海昏大蛇會鄉壯三百餘人
助力岑與焉真君使與甘伯武執劍從侍左右寧
康初御蒼虬乘雲而去今西山至德觀卽岑眺蛟

臺

甘戰字伯武豐城人有孝行喜神仙術從許真君
遊真君異其材器凡奧文祕訣悉命掌之自是周
遊江湖誅蛟斬蛇無不從焉及真君上昇戰歸豐
城布德行惠鄉人感化陳大建初乃駕麟車乘雲
而去宅爲飛簷觀宋封精行真人

則烈字道微豫章人少孤母曰盱母外混世俗而
內修真要嘗云我千年之前曾居西山世累稍息
當歸於彼烈事母以孝閏晉武帝時慕許真君之

南昌君牙

卷之四十一

四

道奉母結草於其宅畔旦夕卽山下採花果以獻
真君真君感其母子至誠授以道妙後從真君同
日昇天今壇井存焉世號爲肝母井永封烈和靖
真人

一云母許氏
卽真君姊

鍾離嘉字公陽南昌人真君妹子也少孤性簡淡
真君喜其有受道資乃教以神方後從真君同日
冲舉今新建丹陵觀是其故址

黃仁覽字紫庭豫章人許真君之婿傳授道術嘗
爲青州從事留妻事父母夜輒密還家父母疑之

一夕妻晉仁覽所携竹杖比明仁覽出拜父母曰
仙道隱密不敢洩耳取竹杖撫之化爲青龍乘之
而去

許大者真君之僕也與妻運米於西嶺聞真君飛
昇卽奔馳而歸倉皇覆其車遺米於地米皆復生
後人名其地爲生米鎮真君以其分未應仙乃授
以地仙之術夫婦歸隱西山

干大居豫章西山中無四時常持花不欲近人亦
不與人語有少年好道往從之驅逐不去登山渡

南昌君司

卷之四十一

五

水必俱至一處臨水而坐于問曰頗渴否曰然出懷中物如棗與少年掬水食之須臾困寐及覺失于所在或曰卽許大

丁令威豫章人晉建武初化鶴仙去鶴時復往還宅爲精靈觀南有觀鶴橋橋北有禮星壇及青牛洞洞口有巾石相傳令威飛騰時遺巾於此見豫章古今志

文斤南昌人號超然子晉咸安中爲郡州高平令嘗遇異人授以丹訣後棄官歸寧康二年仙去

劉道成新吳人晉世以明經辟爲陳州刺史乞休
歸修黃老之術皈依大羅真符永嘉二年合宅神
舉梁武帝卽其故址建開業觀

劉懿真晉女冠也人謂王子喬外妹至東晉時已
五六百歲嘗東游湛母嶺建壇于葛陽山之麓後
白日昇天而去今靖安有劉仙觀

萬壽字長生南昌人隱現齊梁間人莫知其年嘗
以符呪已人崇疾隋文帝慕其術賜號天師詔求
洪崖山爲館以居之唐時漁者得青石長七尺扣

南唐書

卷之四十一

六

之有聲郡以獻于朝命碎之得二劍鐔上刻振姓名高祖歎異召見振於曜日殿處之如師友龍朔初尸解去已殯數日啓棺惟一劍一杖存詔以銅函盛劍杖葬於西山天寶洞之側

瞿夫人洪州黃元仙妻也隋末兄瞿君爲辰州刺史以夫人妻元仙因薦以自代後元仙棄官與夫人隱於舟西之羅山貧甚人傭織以養其姑如此者十年一日忽謂元仙曰昨聞帝命當與汝別俄頃化爲青氣數丈騰空而去

陶安公新吳人潛跡爲陶冶師嘗冶鐵爐烟成紫
蓋有羣鳥集而鳴曰安公安公道與天通七月七
日迎汝以赤龍及期龍果至安公跨之去二女修
其術亦仙去天寶中名其居爲陶仙觀

一云六安人

張氲晉州人號洪崖子隱姑射洞中仙書秘典無
所不通唐玄宗召問曰聞先生善長嘯可得聞乎
氲卽應聲而發聲若鸞鳳尋還山絕粒服氣洪州
大疫有狂道士市藥病者立愈玄宗聞之曰必氲
也後詢之果然三召不至天寶末忽大霧戶解或

卷之二十一
一
云卽張果老

李元基唐武德初隱建昌葛山

今屬靖安縣

有道術能

坐在立亡人莫之測時時經行以符藥救人探虎骨針鵲影活魚鱉甚衆夜露宿草野中代宗末挿松栢滿身飛去後有人採藥葛山見元基跨青鹿行若飛問之不應莫知所之

胡慧超不知何許人嘗遇日月二君授以淨明忠孝之道神妙莫測唐初隱西山之洪井偶過城隅見有舉家悲泣者問之曰廟神歲擇女爲配吾女